

木

李太白文集卷之三十五

附錄五

錢塘 王琦琢崖編輯

燭 葆光
復曹宗武較

年譜

李太白年譜

據太白詩文自述系出隴西漢將軍李廣後

見贈張相

鎬詩

於涼武昭王為九世孫當隋之末其先世以事

徙西域隱易姓名故唐興以來漏於屬籍至武后

時子孫始還內地于蜀之綿州家焉因通其邑遂

以客為名即太白父也

李陽冰草堂集序曰李白
隴西成紀人涼武昭王裔

九世孫蟬聯珪組世為顯著中葉非罪謫居條支
易姓與名累世不大曜神龍之初逃歸于蜀復指
李樹而生伯陽范傳正翰林學士李公新墓碑曰
其先隴西成紀人公之孫女於箱篋中得公之子
伯禽手疏十數行紙壞字缺不能詳備約而計之
涼武昭王九代孫也隋末多難一房被竄於碎葉
流離散落隱易姓名故自國朝以來漏於屬籍神
龍初潛還廣漢因僑為郡人父客以逋其邑遂以
客為名高臥雲林不求祿仕按陽冰序乃太白在
時所作所述家世必出于太白自言傳正碑據太
白之子所手疏二文序述無有異詞此其可信而
無疑者也新唐書李白本傳曰李白興聖皇帝九
世孫其先隋末以罪徙西域神龍初遁還客巴西
蓋本二文以為依據也太白之為蜀人固彰彰矣
魏顥李翰林集序亦曰白本隴西乃放形因家于
綿劉全白翰林學士李君碣記云君廣漢人其說
皆全是知世謂太白為隴西成紀人者本其先世
族望而言也或謂蜀人或謂綿州或曰巴西或曰
廣漢皆指其生長之地或據當時之名或援前古
之名而互言之也至若杜子美元微之稱為山東

李白則又因其流寓之地而言之也舊唐書竟以
白為山東人且云父為任城尉因家焉與諸說獨
異南部新書云李白山東人父為任城尉因家焉
少與魯人隱徂徠山號竹溪六逸俗稱蜀人非也
令任城令廳有白之詞尚存蓋
仍舊史之誤而云耳不可信也

傳輿地廣記曰綿州彰明縣有唐李白碑白之先

世嘗流雋州其後內移白生于此縣杜詩補遺曰

范傳正李白新墓碑云白本宗室子厥先避仇客

居蜀之彰明太白生焉彰明綿州之屬邑有大小

康山白讀書于大康山有讀書堂尚存其宅在清

康鄉洪邁容齋續筆曰杜子美贈李太白詩康山讀書處頭白好歸來說者以為即廬山也吳

曾能改齋漫錄內辨誤一卷正辨是事引杜田杜
詩補遺云范傳正李白新墓碑云白本宗室子厥

先避仇客居蜀之彰明太白生焉彰明縣州之屬
邑有大庫山白讀書于大庫山有讀書堂尚存
其宅在清康鄉後廢為僧房稱龍西院蓋以太白
得名院有太白像吳君以是證杜句知庫山在蜀
非廬山也予按當塗所刊太白集其首載新墓碑
宣歙池等州觀察使范傳正撰凡千五百餘字初
無補遺所紀七十餘言豈非好事者偽為此書如
開元遺事之類以附會杜老之詩耶歐陽忞與地
廣記云彰明有李白碑白生于此方輿勝覽李陽
縣蓋亦傳說之誤當以范碑為証

冰草堂集序李白興聖皇帝之九世孫其先以罪

謫居條支神龍之始逃歸於蜀之昌明

今本李陽
冰草堂集

序無昌
明字

按彰明縣自先天以前止曰隆昌後避元

宗諱始曰昌明五代時改曰彰明楊升菴文集引

成都古今記云李白生於彰明之青蓮鄉

唐長安元年辛丑

即武后之大足元年也十月始改長安

太白生

舊譜起于聖曆二年己亥云白生于是年按曾鞏序享年六十四李陽冰序載白卒

于寶應元年十一月自寶應元年逆數六十四年乃聖曆二年也薛氏據之故曰白生于是年然李

華作太白墓誌曰年六十二則應生于長安元年以代宋中丞自薦表核之表作于至德二載丁酉

時年五十有七合之長安元年為是若生聖曆二年則當云五十有九矣自當以表為正故訂以長

安元年為太白始生之歲又按李陽冰序云神龍之始逃歸于蜀復指李樹而生伯陽范傳正墓碑

云神龍初潛還廣漢今以李誌曾序參互考之神龍改元太白已數歲豈神龍之年號乃神功之訛

抑太白之生在前歟驚姜之夕長庚入夢故名白以

太白字之若青蓮居士酒仙翁又其所自號者

青蓮

居士見答湖州迦葉司馬詩及答僧中孚贈仙人掌茶詩序青蓮花出西竺梵語謂之優鉢羅花清

淨香潔不染纖塵太白自號疑取此義眉公秘笈
謂其生于彰明之青蓮鄉故號青蓮按青蓮鄉在
綿州舊彰明縣內彰明逸事原作清廉鄉疑後人
因太白生于此故易其字作青蓮耳謂太白因此
而取號恐未是酒仙
翁見送權十一序

長安二年壬寅

長安三年癸卯

長安四年甲辰

神龍元年乙巳

是年中
宗復位

太白年五歲能誦六甲

神龍二年丙午

景龍元年丁未

即神龍三年九
月改元景龍

景龍二年戊申

景龍三年己酉

景雲元年庚戌

即景龍四年六月改元唐隆睿宗即位七月改元景雲

太白年十歲通詩書觀百家

景雲二年辛亥

先天元年壬子

是年正月改元太極五月改元延和八月元宗即位始改先天

開元元年癸丑

即先天二年十一月始改開元

附考舊譜開元元年十月甲辰帝獵渭川有大獵

賦

按賦序但云以孟冬十月大獵于秦而不書年分考通鑑先天元年十月癸卯上幸新豐

獵

于驪山之下開元元年十月甲辰獵于渭川八年十月壬午畋于下邳十月而獵于秦地凡

三見舊譜竟屬之癸丑歲者大約以太白生于聖曆二年至是合十有五歲因十五觀奇書作賦凌相如一詩而附會其說若以太白生自長安元年數之至是始十有三歲耳恐未是

開元二年甲寅

開元三年乙卯

太白年十五上韓荊州書云十五好劍術徧干諸

侯贈張相鎬詩云十五觀奇書作賦凌相如按太白

堂賦序歷邇天皇天后中宗而不及睿宗則是賦之作不特在未改乾元殿之先并在睿宗未崩之先矣考睿宗之崩在開元四年六月制改明堂為乾元殿在開元五年七月賦之作應在三四年間豈所謂十五觀奇書作賦凌相如者即是明堂一賦歟

開元四年丙辰

開元五年丁巳

開元六年戊午

開元七年己未

開元八年庚申

太白年二十性倜儻喜縱橫術擊劍為任俠嘗手

刃數人輕財重施不事產業是年禮部尚書蘇頲

出為益州長史

舊唐書蘇頲傳開元八年頲除禮部尚書罷政事俄知益州大都督

府長史

太白於路中投刺頲待以布衣之禮因謂羣

寮曰此子天才英麗下筆不休雖風力未成且見

專草之骨若廣之以學可以相如比肩逸人東嚴

子者隱於岷山之陽

東嚴子姓名不可考楊升菴以為即徵君趙韃梓州鹽亭

人字雲卿者是又曰岷山之陽即指匡山杜子美

贈詩所謂匡山讀書處其說見晏公類要鄭谷詩

所謂雪下文君沽酒店雲藏李白讀書山者也俱恐未是

太白從之遊巢居數

年不跡城市養奇禽千計呼皆就掌取食了無驚

猜郡守聞而異之詣廬親覩因舉二人以有道科

並不起

上二事見太白所上安州裴長史書中自敘歷歷然無歲月可考而蘇頌之為益州

長史實惟開元八年故連其少年諸事并敘于此又書中先言隱居岷山後言投刺蘇公玩其文義

作兩段敘述非按次而言者州舉有道應是見蘇公以後事新唐書本傳曰白既長隱岷山州舉有

道不應蘇頌為益州長史見白異之曰是子天才英特少益以學可比相如蓋依書辭順序之耳恐

未是又楊升菴以廣漢太守為蘇頌且引頌疏所謂趙韃術數李白文章為證今按蘇頌為益州

長史未嘗為廣漢太守據書中所說明是兩人楊說殊謬

傳疑

唐詩紀事引東蜀楊天惠彰明逸事云元符二

年春正月天惠補令於此從學士大夫求問逸事聞唐李白本邑人微時募縣小吏入令臥內嘗驅牛經堂下令妻怒將加詰責太白亟以詩謝云素面倚欄鉤嬌聲出外頭若非是織女何必問牽牛令驚異不問稍親招引侍硯席令一日賦山火詩云野火燒山後人歸火不歸思軋不屬太白從旁綴其下句云燄隨紅日遠烟逐暮雲飛令慚止頃之從令觀漲有女子溺死江上令復苦吟云二八

誰家女飄來倚岸蘆鳥窺眉上翠魚弄口旁朱太
白輒應聲繼之云綠髮隨波散紅顏逐浪無何因
逢伍相應是怨秋胡令滋不悅太白恐棄去隱居
戴天大匡山往來旁郡依潼江趙徵君蕤蕤亦節
士任俠有氣善為縱橫學著書號長短經太白從
學歲餘去遊成都賦春感詩云茫茫南與北道直
事難諧榆莢錢生樹楊花玉糝街塵紫遊子面蝶
弄美人釵却憶青山上雲門掩竹齋益州刺史蘇
頤見而奇之時太白齒方少英氣溢發諸為詩文
甚多微類宮中行樂詞體今邑人所藏百篇大抵

皆格律也雖頗體弱然短羽禪禪已有鳳雛態淳

化中縣令楊遂為之引謂為少作是也

遂江南人自名能詩

累謫為令云○琦按此編今已不傳晁公武讀書志曰蜀本太白集附入左綿邑人所哀白隱處少年所作詩六十篇尤為淺俗今蜀本李集亦不可見疑文苑英華所載五律數首或即是與始

太白與杜甫相遇梁宋間結交歡甚久乃去客居

魯徂徠山甫從嚴武成都太白益流落不能歸故

甫詩云匡山讀書處頭白好歸來然學者多疑太

白為山東人又以匡山為匡廬皆非也今大匡山

猶有讀書臺而清廉鄉故居遺地尚在廢為寺名

隴西院有唐梓州刺史碑失其名

太平寰宇記綿州彰明縣有李

白碑在寧梵寺門下梓州刺史于邵文元豐九
域志綿州有李太白碑唐梓州刺史于邵文及

綿州刺史高祝記太白有子曰伯禽女曰平陽皆
生太白去蜀後有妹月圓前嫁邑子留不去以故
塋邑下墓今在隴西院旁百步外或傳院乃其所
捨云

開元九年辛酉

開元十年壬戌

開元十一年癸亥

開元十二年甲子

有蟾蜍薄太清詩

新唐書開元十二年七月廢
皇后王氏為庶人舊註謂蟾

蜂薄太清一篇為廢
后而作玩詩意當是

開元十三年乙丑

太白出遊襄漢南泛洞庭東至金陵揚州更客汝

海還憩雲夢故相許圜師家以孫女妻之遂留安

陸者十年

以上遊歷之處畧見上安州李長史裴長史二書中其歲月皆無可考而娶于

許氏約計當在是年之後故并敘于此

訪戴天山道士不遇詩登峨嵋山詩登錦城散

花樓詩在蜀所作者皆是年以前詩

開元十四年丙寅

開元十五年丁卯

開元十六年戊辰

開元十七年己巳

開元十八年庚午

太白年三十上韓荊州書云三十成文章歷抵卿
相上安州裴長史書云五歲誦六甲十歲觀百家
常橫經枕籍制作不倦迄于今三十春矣以為士
生則桑弧蓬矢射乎四方故知大丈夫必有四方
之志乃杖劍去國辭親遠遊南窮蒼梧東涉溟海
見鄉人相如大誇雲夢之事云楚有七澤遂來觀
焉而許相公家見招妻以孫女憩跡于此至移三